



Broj: 1957/25

Datum: 18.08.2025. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, preporuke Komisije za provođenje postupka javne nabavke utvrđene u Zapisniku o pregledu i ocjeni ponuda broj: 1949/25 od 15.08.2025. godine, direktor JP „LOKOM“ d.o.o. Sarajevo, **d o n o s i**

O D L U K U O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za provođenje postupka javne nabavke i Okvirni sporazum za nabavku i sukcesivnu isporuku mesa, mesnih prerađevina i zamrznute ribe - **LOT 1: Nabavka mesa i mesnih prerađevina**, na period od jedne godine, dodjeljuje se ponuđaču: „EURO MEAT“ d.o.o. Maglaj sa sjedištem u Maglaju, ul. 1. Marta bb, 74250 Maglaj sa cijenom ponude u iznosu od 192.903,30 KM bez PDV-a, odnosno 225.696,86 KM sa PDV-om.

Član 2.

Izabrani ponuđač se oslobađa naknadnog dostavljanja dokaza iz člana 45. stav (2) Zakona o javnim nabavkama obzirom da su iste dostavljene uz ponudu u skladu sa zahtjevima iz tenderske dokumentacije.

Član 3.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 4.

Protiv ove Odluke dozvoljena je žalba u roku od 10 (deset) dana od dana prijema iste.

O b r a z l o ž e n j e

Postupak za javnu nabavku i sukcesivnu isporuku mesa, mesnih prerađevina i zamrznute ribe, putem otvorenog postupka, pokrenut je Odlukom o pokretanju postupka javne nabavke br. 1711/25 od 14.07.2025. godine.

Ukupna procijenjena vrijednost javne nabavke iznosi 194.999,00 KM bez PDV-a.

Shodno članu 16. Zakona o javnim nabavkama predmetni postupak javne nabavke je podijeljen na tri lota, i to: LOT 1: Nabavka mesa i mesnih prerađevina, LOT 2: Nabavka zamrznute ribe. Procijenjena vrijednost javne nabavke za LOT 1 iznosi 192.911,00 KM bez PDV-a.

Obavještenje o nabavci i tenderska dokumentacija su objavljeni na Portalu javnih nabavki dana 15.07.2025. godine u 15:48 sati pod brojem: 269-1-1-108-3-88/25, a sažetak Obavještenja o nabavci objavljen je u „Službenom glasniku BiH – Oglasnik javne nabavke“ br. 42/25 dana 18.07.2025. godine.

Komisija za provođenje postupka javne nabavke imenovana je Rješenjem br. 1712/25 od 14.07.2025. godine.

Protekom zakonskog roka za dostavljanje ponuda, Zapisnikom o zaprimanju ponuda, broj: 1862/25 od 05.08.2025. godine i Zapisnikom o otvaranju ponuda, broj: 1863/25 od 05.08.2025. godine, konstatovano je da je blagovremeno zaprimljena jedna ponuda, i to ponuđača: „EURO MEAT“ d.o.o. Maglaj.



Nadalje, u skladu sa članom 65. Zakona o javnim nabavkama, Komisija je izvršila pregled i ocjenu dostavljene ponude, te sačinila Zapisnik o pregledu i ocjeni ponuda, kojim je utvrdila da je ponuda ponuđača „EURO MEAT“ d.o.o. Maglaj prihvatljiva, odnosno ista ispunjava kvalifikacione i formalno-pravne uslove tražene u tenderskoj dokumentaciji i ista ne prelazi planirana, odnosno osigurana novčana sredstva ugovornog organa za nabavku. U skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Komisija je izvršila provjeru računske ispravnosti ponude ponuđača „EURO MEAT“ d.o.o. Maglaj, te konstatovala da u ponudi nije bilo računskih grešaka. Detaljno obrazloženje oko evaluacije ponude, dato je u Zapisniku o pregledu i ocjeni ponuda broj: 1949/25 od 15.08.2025. godine.

Shodno naprijed navedenom Komisija je, u skladu sa članom 64. stav (1) tačka b) Zakona, izvršila rangiranje prihvatljivih ponuda, i to kako slijedi:

1. „EURO MEAT“ d.o.o. Maglaj sa cijenom od 192.903,30 KM bez PDV-a.

Tenderskom dokumentacijom u tački 4.13. predviđeno je provođenje e-Aukcije. U skladu sa članom 5. stav (1) Pravilnika o uslovima i načinu korištenja e-Aukcije („Službeni glasnik BiH“, br. 80/23), prije zakazivanja e-Aukcije ugovorni organ u sistem e-Nabavke unosi sve prihvatljive ponude. Članom 4. stav (2) navedenog Pravilnika propisano je da se u slučaju prijema jedne prihvatljive ponude e-Aukcija ne zakazuje.

U skladu sa naprijed navedenim, komisija za javne nabavke, dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača „EURO MEAT“ d.o.o. Maglaj u predmetnom postupku javne nabavke.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

JP „LOKOM“ d.o.o. Sarajevo

Direktor

Adnan Sabanović

Dostaviti:

1. „EURO MEAT“ d.o.o. Maglaj,
2. Službena stranica Preduzeća,
3. Komisija za javne nabavke,
4. a/a.

